

լինի՝ մեր հողեւոր որդոյն պատուիրեալ եմք. քան զայն՝ այլ ոչ կարեմք զի-
ջանել: Ող լերուք Տերամբ:

Գրեցաւ նամակս ի թվիս Հայոց ՌՃԲ, նոյեմբեր ամսոյ Ե:

ԵՍ ՓԻԼԻՊՈՍ ԿԱԹՈՂԻԿՈՍ ԻՄՈՎ, ՁԵՌՄԲՍ ԳՐԵՑԻ:

ԺԴ.

ՓԻԼԻՊՊՈՍ ԿԱԹՈՂԻԿՈՍ. — ՌՃԲ = 1654, ՓԵԲԲ. 12.

(Գրեւ առ Լովսցիս, զի ընկալաւ զդեսպան ևնցաւ Խոնայ) Նիկողայոս. խրատե

սևալ Յովհաննոս Նոչիրակի):

Ե՛



ԻՍՈՒՍԻ Քրիստոսի ծառայ Փիլիպպոս կաթողիկոս ամենայն Հայոց
և պատրիարզ Վաղարշապատու տիրանկար և գերապայծառ սրբոյ
աթոռոյ Էջմիածնի. Յորմէ ժամանեալ հասցէ գիր աւրհնութեան և նա-
մակ պահպանութեան, շնորհք առաքելական, և աստուածային բազմա-
պատիկ աւրհնութիւն ի վերայ Ս. Լուսաւորչի հարազատ որդւոց հայա-
զուն ազգաց մերոց, որք ի տիրապահ և ի քրիստոսախնամ քաղաքիդ Իլովայ
կայք բնակեալ. մեղսաքաւիչ քահանայից, խորհրդաթիւ երկոտասան Գատա-
ւորաց, արգասապատիւ տօլվաթաւորաց, և առհասարակ ժողովրդոց մեծի և
փոքու. ամէն: Շնորհք ընդ ձեզ և խաղաղութիւն յԱստուծոյ Հօրէ մերմէ
և ի Տեառնէ Յիսուսէ Քրիստոսէ, և ի Հոգւոյն Սրբոյ կենարարէ և յառա-
տաճիր բարերարէ և ամենազօր մարդասիրէ, և ամէնունակ բաշխողէ. ամէն:
Աւրհնեսցէ զձեզ Տէր Աստուած և նախախնամեալ պահեսցէ անխռով և ան-
սասան կենօք, և զարդարեսցէ հոգւով և մարմնով, տամբք և տեղօք, զարմօք
և զաւակօք, որդւովք և դստերօք, սիրելեօք և բարեկամօք, ընչիւք և ապրա-
նօք, հոգեկանօք և մարմնականօք. և փրկեսցէ յամենայն փորձանաց երեւե-
լեաց և աներեւութից և ամենայն որոգայթից և ի ներհակաց ճամարտու-
թեան. ամէն: